

#Bajet2016: PLKN bukan jawapan tangani isu perpaduan kaum – Netizen
Astro Awani
Oktober 01, 2015
Oleh Astro Awani

PLKN ditangguhkan pada tahun 2015 bagi membolehkan ia dikaji dan ditambah baik.


KUALA LUMPUR: Antara aspek yang bakal menjadi tumpuan dalam Bajet 2016 adalah pelaksanaan kembali Program Latihan Khidmat Negara (PLKN).

Program yang mula diwujudkan pada tahun 2004 itu merupakan antara inisiatif kerajaan untuk menanam sifat jati diri dan cintakan tanah air di kalangan remaja, selain memupuk semangat perpaduan dan membentuk sahsiah diri yang lebih teguh di kalangan belia.

BACA: [\[UNDIAN\] Dapatkah PLKN memupuk perpaduan kaum serta integrasi nasional?](#)

Berdasarkan undian yang dijalankan Astro AWANI selama seminggu, 81 peratus koresponden bersetuju PLKN adalah satu bentuk program yang mampu membentuk ikatan antara kaum yang lebih teguh, khususnya di peringkat akar umbi.

Namun menerusi tinjauan di Facebook, ramai juga yang menyifatkan PLKN hanya mampu memberi jawapan sementara berhubung isu perpaduan kaum. Ia sebaliknya perlu dikaji semula dengan lebih terperinci agar objektif dan matlamat asalnya tidak tersasar.



Mohamad Ramlan Tak jadi ape la plkn ni. Buat habiskan beras je..
Like · Reply · September 24 at 7:47am

Ada yang berpendapat pembinaan rohani dan sahsiah tidak dititik beratkan dalam PLKN, sekaligus menjadikan perkara itu sebagai satu kekurangan yang amat ketara dalam silibus PLKN.

Sebilangan kecil beranggapan usia remaja sebenarnya sudah agak lewat untuk dididik dengan semangat berintegrasi antara kaum.



Mohamad Amirul Nk tunggu PLKN dh lambat sngt...lebih baik pupuk perpaduan dr kecil lg...hapuskan sekolah vernakular

Like · Reply · September 24 at 4:14am

Terdapat juga cadangan agar peruntukan untuk PLKN disalurkan kepada pembinaan pusat-pusat kemahiran, selain memperkembangkan program Askar Wataniah, yang disifatkan lebih berkesan dalam menghasilkan golongan belia yang berpegetahuan dan berkeperibadian tinggi.



Nalza Lan Plkn hanya membazir...perbanyakkan pusat kemahiran..agar belia kita berkemahiran tinggi dapat di lahirkan...latih dan sediakan peluang pekerjaan..negara maju beserta rakyat..

Like · Reply · September 24 at 10:31am



Nizam Ismail GAGAL....PLKN hanya menambahkan beban hutang negara...Pertingkatkan mutu Askar Wataniah baru ramai masuk wataniah...kerajaan x rugi apa2 jika belia masuki wataniah

Like · Reply · September 24 at 10:41am

PLKN ditangguhkan pada tahun 2015 bagi membolehkan ia dikaji dan ditambah baik.

TONTON: [Bajet 2016 utamakan kesejahteraan rakyat](#)

#Bajet2016 [Apa belia inginkan dalam #Bajet2016](#)

Saksikan Pembentangan Bajet 2016 secara langsung di saluran 501 Astro AWANI pada 23 Oktober.

© 2015 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/bajet2016-plkn-bukan-jawapan-tangani-isu-perpaduan-kaum-netizen-74877>